

翰苑新書

第卅三冊

別集卷五之八

謝劄子

回劄子

奏狀

申省狀

陳乞

進貢

致語

新編翰苑新書卷之五

別集

劄

七提頭謝劄式

謝張參政

方秋崖

某伏以金鞮秩序玉宇專涼共惟某官袞繡聯輝鈞樞對
掌聖神睠倚穹廡給符鈞候連止萬福某熏香端拜寅控
忱棕仰祈鑒登

某切謂千齡慶會一德交孚保合大和緝熙景福寶躬勺
令有喙焉容某謹屏息

某恭以某官以正學結睿知以清猷儀善類間兩社而為
輔持眾美以效君輿望具享天經允穆諒九筵之莫玉領
百辟以奉璋遂正元台溥綏縣宇某加與旄倪拭目登平
某煙雨扶犁淒其七稔小夫竿牘何從塵滓黃閣之邃迺

若泰階華暉被于品彙傾翹寸臆宵寐以之

某夢冷鈞天拙甘農畝叨恩偏壘偶縮戌期抗請丐祠趣
行有命噓枯知自挈累遠征謹護本根真殫鴛鈿唯是狷
姿寡合弱植易搖尚倚燾容庶畿尺寸某勉思稱塞誓有
捐糜

某再奏征埃以八月四日恪祗賤役隄詹光範推謝何繇
謹緝儂辭輒鳴悃悞辱賜粲擲億秭為榮

某仰止紫府邃崇霞裾縹緲仙凡曼隔訶問匪恭恐有飢
驅拱聽劄下

謝丁樞密

前人

某伏以金顥平分碧虛如拭共惟某官弥綸天緯旋轉斗
樞明睿睠憑穹示協右鈞候動止曼福某熏鄉端笏寅控
惊悚仰斬委鑿

某切謂明良千載慶會一堂玉燭四時笙鏞庶彙願珍存

粹無待贅云某謹屏息

某恭以某官以粹亮結主知以和平主國論粵儀兩社密
贊九宸歲闔寶稻之祥邊敵紅旗之捷風俗新嫩網紀赫
張竚陟鈞衡賢於夢卜某雖筆陋墨凡尚能賡一夔一高
之頌

某牛背夕陽淒其七稔分嚴禮絕之地何從以尺墨塵滓
迺若泰階六符輝燭動植某傾翹寸臆宵寐以之

某夢冷鈞天拙甘農畝叨恩偏壘偶縮戌期抗請丐祠趣
行有命噓枯知自挈累于征謹護本根覲殫鴛鈿惟是狷
姿鮮合弱植易搖尚倚旣容庶逃曠戾某勉旃稱塞誓有
捐糜

某再奏征埃以八月四日恪祗賤役隄詹光範推謝何繇
謹緝儂辭輒鳴悃悞辱賜粲擲億秭為榮

某仰止紫府邃崇霞裾縹緲仙凡曼隔訶問匪恭恐有飢

驅拱聽札下

謝林中書

前人

某伏以序正金鞵涼浮碧宇共惟某官禁林疊綬從橐影
纓神聖睠憑穹示棊侑台候動止曼福某寅蠲只墨申控
寸忱仰祈丙鑒

某切謂弥綸詞掖運動化權陰疑陽蘇孰出吾囿寶躬勺
令請祗為繫某謹屏息

某仰惟某官鴻筆麗藻陶鎔帝皇舒翹揚英金玉王度蓋
肩歐蘇而輩韓范者厥今穆卜吉辛合宮展采我二奉璋
顯相熙事將絲內相正位東垣黃麻告庭巖詹丕聳某尚
切遲之

某牛背夕陽淒其七稔小夫竿積不敢入帝城匪嫚也迺
若泰階六符輝被庶彙某夙宵詹遡辦香勤卷

某夢冷觚稜分甘農畝叨恩偏壘偶縮戌期丐祠弗俞趣

行有旨噓枯知自挈累于征茅揣猶迂若為稱塞尚祈容
燾庶詭豪分某臨楮及茲負芒獲甚

某奔走征埃甫祗賤役推謝之福躬叙何絲僭緝儂辟唐
突兢卓愿賜粲電億祔其榮

某敬以藥珠縹緲瓊佩繽紛仙凡曼殊訶申則躡恐有驅
冊拱聽曉放

謝邵給事

方秋崖

某伏以金顯秩平碧虛澄爽共惟某官望尊執簡寵壘批
綸神聖睠憑穹示給衛台候連止曼福某寅蠲只墨申班
寸忱仰祈委鑒

某切謂地峻螭頭班聯鳳沼清光罕近冲氣為和勺令玉
躬無俟於祝某謹屏息

某仰惟某官以粹學結主知以魁望儀朝序頃躋緊路俗
聲謹言端陟清塗就顯論駁才足以制國事經綸之本識

足以灼人才消長之機秩祀吉辛肅雖顯相疏恩旁干尺中樞羽翼瑤苗亦二汗簡某故舉盛事

某分席鷗沙十其稔矣隻字不敢入帝城分也非嫚也迺若柱史一星光連斗某與樵牧旦旦詹依

某夢冷觚稜分甘置散叨恩偏壘偶縮戌期丐祠弗俞趣行有命噓枯知自挈累于征正思猶庸若為稱塞尚祈容

疇庶詭豪分某臨楮及茲負芒屨甚

某奔走征埃甫祗賤役推謝悃福躬叙何繇僭緝儂薛唐突競桌愿賜流電億秭其榮

某敬以藥珠縹緲葱珮晶瑩仙凡曼殊詞申則躡恐有驅冊拱聽曉放

某宓臣金天雲澹古桂歛香共惟某官雉監躋華螭扉壘絞清寧拱侑台候連止萬福某謹齋明盛服抃忱于典記者

謝章直院

前人

某謂羽儀禁路只尺天光噓呵泰畤何迪匪吉願珍存粹有喙奚容某謹屏息

某洪惟紫皇聿新治化號令風雷所以鼓天下之動玉堂揮翰手匪魁壘博碩誰宜為某官雅望瑞時懿文華國橫

經資善懋績繕工簡在淵衷筆宣帝澤合宮真壁法駕執綏內相躋禁槐廳增重某尚切遲之

某牛背七稔絕意人間隻字不敢入帝城分也匪嫚也迺若穹躔麗天輝燭品彙寔與樵夫堯子同一詹遡

某猶矜耦分盍投閑恩予偏州偶然縮戌亟申祠請叨旨趣行馳驅服勞噓揚知自茅虞踈拙靡稱循良王所有賢

海內蒙福某知免矣

某枯莎寒蛩詎應輒溷諛詔之奏然舍是無以立忱流電賜燭億秭其榮

某仰只慶霄縹緲仙珮繽紛敢贊而弗敢問屬 有翫拱

侯曉放

謝朱殿院

方秋崖

某伏以顯金秩序鴈背風高共惟某官肅立副端兼榮邃
幄九宸眷倚三極拱扶台候連止曼福某寅蠲尺積庸控
寸忱仰新闕徹

某切謂豸冠穹峻鷺羽高華清明在躬寒暑受令願珍葆
粹無誤誦言某謹弗敢瀆

某恭以聖天子厲精責實以新內修外攘之政迺得魁偉
光明之彥躋登龍墀以植紀綱某官以至公汲善類以直
氣糾官邪開張時雍堅凝國論吉辛相祀奠玉熙成獨步
班心徑顙朝面某尚切遲之

某牛背夕陽淒其十稔帝城書問何敢冒馳迺若英躔麗
天有目共覩某與樵牧旦旦傾翹

某夢冷觚稜分甘農畝叨恩偏壘偶縮戌期抗請丐祠趣

行有命噓枯知自絮累于征正思猶庸莫能稱塞尚祈旃

燾儻獲壁還某擲管及茲負芒屨甚

某塵土裝懷已祗賤役推謝之悃躬叙無絲借緝纏辭唐
突繁電辱賜覽擲億赫斯榮

某敬以九霄縹緲羣玉晶英仙凡曼殊申詞為躡恐有驅

策拱聽曉放

謝謝右司

方秋崖

某必以金鞵秩序風露專涼共惟某官綜理都曹彌縫化
軸紛其吉衛台候連止曼福某謹熏香雪頰肅忱于典記者
某謂晉躋台佐密近天光補衮亮工助鼎和味寶躬循彝
贊矣某奚敢瀆

某恭誦 紹興 英主睿訓日都司學為宰相者也某官

喬木之家猗蘭斯馥登庸衣鉢厥有親傳學之素矣迺今
理內御外綱領中書開忱布公推衡宰路帝加乃績法從

資賢竚踐世官以輝先烈某尚切遲之

某猶記泰階六符委照三十二運峯之地玉川茅屋蒙被

華輝雖跪述已來隻字不敢入帝城而日與樵牧詠歌棠

愛今如昨也仰丐於休

某猶不通方泉石七稔一麾縮戍亟笺祠廩上未忍弃有

旨趣行挈累于征祗役云俶行所幸玉季舊游善化有可

取不矧慶雲英露輝覆而潤澤之乎某知免矣

某寒落凄蛩不當以茶詔護然舍是無以立成流電垂灼

億秭其幸

共 某仰止瓊樓玉宇雲氣高寒詞問為躡屬壘旣役惟命之

謝大帥制使陳留守

戴象麓

某伏以矩令平分金天爽豁共惟某官帥垣山立宮鑰穹

嚴華美具瞻天人森衛候動止萬福某三重九頓東向百

拜潔蠲泓穎裁書申謝于星間之下鑒在為榮

某初筮惟謹副墨嗣申仰惟天以一世宗工勳相我國家

道義養浩精神折衝福祿無窮與國匹休嵩高丞民之詩

某卷二辦香虔祝

某門墻舊吏里社寒生茲者恭承使閭驛遣郵筒於此月

十二日夜戌時迺到奏積一通舉某堪充陞陟任使某盟

手剪蠟焚香啓緘亟拜亟受銘心感佩當已謹具公狀申

聞伏乞台照

某嘗謂薦舉良法古者以為陞擢人才之階後世反為私

徇人情之地取士不觀其實績隨勢轉移薦人不攷於平

時取決左右從古如此非今而然恭以某官詩書元帥入

物宗師布公道開誠心不存形迹舉賢才赦小過無弃踈

微收拾時髦於袋篋之中攷核實能於履絃之際有所吝

者得於已試心乎愛矣不以爲遐悉出精神心術之感通

不容文字言語之干請所以至微且賤如某者亦蒙甄陶
曲賜收錄希曠之遇今古所無感極肺肝思生骨肉某無
任忻愉激厲之至

某九年學製五技告窮寸步躋攀遷喬敢望未涂艱阻息
肩無繇賴有此天特為之地秋風萬里既首騰一鷲之飛
春日載陽又許信尺蠖之屈何脩得此欲報若何自此愈
當永肩一心一以報國家一以報知遇雖糜捐不避二天
在上幸鑒臨之

某素知先生以公道薦賢不容私謝某赤心以直道事上
亦不敢效尤弟稱謝有禮不可虛拘短啓贅誠蕪拙不腆
宗匠一賜覽擲榮幸萬斯

某揆分密嚴不敢僭申崇闡珠星列緯之恭允職微眇又
不敢請約束驅舟之目惟有勉修職業以期無負師門夙
夜匪懈伏乞台照

交事謝江提舉

年存齋

某伏以桐奏微薰梅收餘潤共惟某官使華望重郎署班
高九重俟來三靈助順台候起居億福某寓忱舩積申敬
籤曹典忍弗莊嬰玷是懼

某詞省之彝前列收謹屬薰絃之初奏諒鈴索之多閒願
冲慈於泰和用叨服於休寵式推家學以顯儒庸

某欽以某官以古人心為今世眼扶開宇宙千年之秘天
相鷺洲拈出江山一段之奇人欽鴻笔端係人才之氣脉

實為政化之精神英蕩輔函周爰咨度蘭香盈握趣奏明
光如聞黼座之深知又在玉堂之傑直少需出綵式想縉紳

某遠游謾賦近成已瀕衣裳主晉國之盟嘗遵壇令壁乘
假虞人之道已視篆文雖拘涓選之辰尤切交兢之懼幸

憐朱紱蹉跎之跡大辰錦衾覆露之私告至之初抒忱以既
某以賤事貴豈敢簡彝因文見情具嚴副墨謹以下俚已

別集 卷之五
淫之曲奏之中天韶濩之前此筆之間汗顏可掬倘蒙矜
貸實所懇祈

某敬問尊公某官共惟幙府高華繡絲輝映雲霞縹渺之
集風雨招愷之間俗福祈覃真樂有味

某伏恐道涂或有委使力所得勉敢不敬承

新編翰苑新書卷之五

別集

王化奎

新編翰苑新書卷之六

別集

劄

七提頭回劄式

代回何侍郎

方秋崖

某伏以綠陰清美雲助容寒共惟某官戟衛靖嚴民以嘉
賴上帝宥密台侯動止万福某謹墨筆以黷燕凝之暇
某觀頤之象乃知一身之間自有宇宙燮調妙用盖与造
化者同功約而歸之則不出於鼎鼐外某敢願戲下少留
之意

某惟經濟之季克舜吾君密勿論思不當一日去上旁近
也常為郡雖離天絳尺五抑何至騎麒麟翳鳳凰而辱臨
之寸懷春風物二生意東西行者誦袴襦之謠相踵某敢
寄声為父老賀

某每謂皇上厲精如漢宣帝而嘉與諸儒論天下事左臯
右契紳佩斤二石玉之班蓋已極一世之選孰有畫治安
聚如賈太傅而文外者耶宣室竚思聞已趣四輩召矣特
事孔棘願為上痛哭流涕太息而言之海內其受賜

某舟^二將老而嫠緯之優絲棼顧瞻江山有嘅其歎綠波
黯別曾歲月之幾何鼓角相聞僅隔此一衣帶水然赤白
囊羽相友一書亦未暇也戲下不督過之而相問勞如此
某敢歌伐木之詩以拜

某四年淮相躡技已窮韃為封豕長蛇荐食上國天不悔
禍爰^二然自危之丐骸之章凡幾上而幾卻矣同舟遇風
之時中流一壺之賜某不死望

某伏想蓬翠之集佩明月者天人也某不敢問起居狀而
請事於將命者

代回王都丞

方秋崖

某伏以梧風已秋碧宙如洗共惟某官銀菟有偉偃護龍
潛天棊靖共台候動止万福某謹寄聲為南州父老賀

某惟宝婺之秀揚光斗牛萬生儒英棟幹吾國敢願采明
堂月令以爨調一身之陰陽山川百示予曰有先後

某自廉車使江上嘗得屬橐鞬具鞞袴以迎侯于風濤浩
渺之間不自意一世偉人乃能相与握手出肺肝以共談
天下事憂國之淚衣襟尚寒

某時則目送歸艍倒指奏事榻前之目想像上問江防利
病使者聚米為山谷處應答如響天顏喜動將以安危二
柄付之不謂事乃有大謬不然也抑古語有云不難死以
見君子

某試嘗謂武夷當天勝絕處而西山老子之闕里也都
承以衣鉢的傳擁麾其鄉孰瞻孰儀有像在堂然則以詩
書澤斯民者盖老先生之扮掄而賢刺史之甘棠乎幸少

安之天子有詔

某鼠技窮矣死以分上顧憂於皇絲綸班我端殿亦安知先翁十年邊瑣蓋身後始得之豈其不肖之孤克邁前人之寵翼續行得請敬避賀言之三舍

某伏想戟衛飛瓊之佩郁穆仙壺踈迹者不敢僭起居而惟請所條委者

代回蔡總卿

方秋崖

某伏以春襲仲陽雨寒猶峭共惟某官總司輿賦宏濟中興神扈輯諧台侯動止曼福某謹三肅以拜將命者之辱某試嘗倚平山欄檻望冶城在煙雨有无之間未嘗不喟然難曰長江天塹有管夷吾在焉山君海王其必為吾國室之某是以有節宣鼎食之請

某惟宋有天下三百餘年於此矣聖二相授共守一仁雨恬春熙乃有孽芽其間者韃負戎馬足併吞窮荒封豕无厭荐食上國遭時多事至以饋餉勞吾儒宗然中郎禮樂之家名父文章之印使之從容帝所謨明弼諧蠢彼裔夷必將相戒以毋生事開邊隙而奚南牧之敢某日望之

某聞李牧之守鴈門匈奴不近趙邊者十數年蓋老熊當道之勢如此今茲誰實額闡而淮流上下草木震驚西援淝河所謂奉漏壅沃焦釜不足以喻其急賊虜宵遁亦將士之勞耳書何力之有焉忽奉詔函援以大司寇印綬再上免擯期必得請而後已有來慶問某避之三舍

某限此一衣帶水鴈雲香茫江山愁予嘔其歎矣顧今人物寥落思濟艱難者能幾人牽眼而視八荒願承下風以請曷日佳晤傾所懷

某維縹緲棲居者天人也香深翠水九霞飄蕭燕及崑臺同一褊福

某邈在邊鄙何當敬奉使令鞭弭以須敢告執御

回趙寺丞

方秋崖

某伏以麥之秋矣風日清妍共惟建牙于蕃宣布寬大天人闔擇台侯動止万福某滌筆滄浪之水挹蘿月而寫之惟清

某私切惟念郡刺史佩二千石印綬綏寧一邦而某也帶笈簪於鷗邊卧襪襖於牛下則野人也奚其茵憑之敢問某屏廢林壑且十稔於當世士大夫遙二乎蓬萊之隅弱水也然碧宙寥沉月明在天林密山深亦被光景某蓋嘗瀉浩露而塞長風矣

某惟執事先生家有周公之履舄廟有山甫之鼎彝其氣吞餘子而蓋當世也退然素士方且与枯槁為春風以幽隱作皓月此其尺度未易量也是有衮衣兮无以我公歸兮某未敢以誦者邦人之私耳

某窮老不孝所謂悻直而无涵養之功徑率而无矯揉之力岩居穴處化為猿獠政坐鬼擘口耳天所以與我者如此恬然安之山北山南掛書牛角上而讀某與受其賜某舊常孝氓事大夫之礼矣遣一介之使奉咫尺之書迎候前驅唯所進退者此其常也乃今負罪引慝潛幽而伏深固不得與薦紳比率然以名聞恐執訊者之斥其黷則林慙无尽而澗媿不歇也某如之何而可

某日与芸夫莠子安樂耕桑切聞寬之一分折券而捐之者動為緡錢數十百万相与贊歎誦言愛民抑不知其能下士又如此也何物小子鄙在山林不吾書而吾先之非自李問中来不我怒亦不我屈矣某拜手書緒紳

回馮提刑

方秋崖

某維春以雨露農事未就共惟某官以書平準民所宅生篤棊斯皇台候運止万福某謹拜手修名于典史氏某聞康庠天下勝處生其間則高者為隱逸又高者為神

仙不得獨當奇也必有提一筆福蒼生者翻然出此山中
咨尔山靈其敬乃職

某維天方祚宋所以眷命用懋者政在委豐年一詩耳故
雖百脉皆病元氣猶存此執事者高枕而臥也乃歲比不
入民方采西山之薇嵐翠軒窓豈公獨樂時耶鮮于福星
為尔一出自江以西其何幸

某嘗切有歎謂何蕃為六館諸生時声名以獵二北斗南
矣一經科目卧餘子百尺楼下使騎麒麟翳鳳皇而上顧
獨不得與上界官府等伍耶時來則為之寧不我與

某兒時孝于里之東臯識厚齋癯然山澤之儒也壯歲仕
于淮浙之東西識二季軒然湖海之豪也於名門獨不見
最良白眉耳假守來此則已揭節而西上徼福賢父子令
兄弟間惠然教我

某與世少可所至賦歸去來始裴晉公督九節度之師擇

廷臣自從而某在其選莫之可以雅意本朝也至然後請
置散造化者不得已出麾鄭公之鄉歲月幾何不自意友
惟愛其桑梓以施及其謬守某知免夫

某惟霄漢之臺冰玉之御非踈賤者所得問起居何如也
若此山之左花右竹則護眎无敢不謹

回南康太守游寺丞

趙松壑淮東總領使

某伏以朱衡云抄紅鏡開炎共惟某官双旌有華五袴流
詠閱昭顯相台侯動止万福某謹濡子墨祗復主籤首幾
紆省

某如左之儀飭矣載惟良二千石福十万家福之所基歛
於身者可知矣調冰紵給之請敢得以畧

某耳飶霆声不知幾冰暑未酬輕封万户之願斗山仰止
實勞我心巧緣有開竭來餉道獲締寅盟朔風不竟展齒
之折

某仰惟某官人物粹潔玉壺永清履行孤高錦亭栢古蚤以政李馭于明時振武鶴鷺行久締冕旒非當之眷績凝棘路榮剖竹符地重瑞陽式弘蕃宣之畧簡靜平易鑄頑成仁革珥筆之澆風樂耕耒之常業山谷所賦今親見之佇膺筮札之褒入斷索班之武

某虔奉珎祠正便茗溪盟鷗之趣誤恩下逮畀以東道讓事之重控辭弗獲冒為是來司存亦立事二築底凜然未知所以為淑後之方惟冀軫念同舟共啻叶濟鄙免曠戾徼福孔多馮楮宣心矜軀是幸

某方啻染記以露謝忱儷玉駢珠首屢委况拓禁控酢厓約一莞為榮

某皇恐申問黃堂群玉之輯伏計一和所召百祿是道亦柳翫需併俟放曉

回游太守

趙崇潔 編修

某伏以秧疇足兩荷屋陰風共惟某官森戟凝香十同自化三極炳扶台侯動止万福某九頓此首藏籤房之敬肅丐嘗省

某聞之司牧民者吹之煦之拊手摩之不專為一身計也區二養寢之祝故得以略

某疇昨深耕秬嶺幸甚獲與白傳草堂賓客之數甘棠勿剪至今與里中兒和習之蓋十年猶一日也古之所去見思者其謂是欤

某仰惟某官親接伊水一脉之傳兼備孔門四科之美行鷓序鷺朝望歸然展驥馮能民庸藉甚江西道院暫借汲重臥治之選所表為公卿有地節之故事在

某習閑成癖榮望已灰誤踏班行荐更玷葛容臺何地宥府何曹以若人而居之其非據也甚矣厥有藥石之誨願死金玉其音夙託屢氓必蒙矜念

某尺箋申共二之謝禮也軟紅眯目遂墮因循璀璨雙絨恍
從天落情文謙縟若施之事大者然凜弗克當永以為好
斐兮占報不敵所蒙其何適非臯

某粵軼加拜申敬黃堂星聚翠閣雲深絲裏暨邊儲祥匯
祉是間委役无敢不共

回南康游太守

饒左司 虎臣

某伏以夏五紀月巽二迎薰共惟某官畫戟更新條教簡
靖環境謹彝台候動止万福某輒馳尺書為兩州之民折
衷歸留之請

某惟五馬所次百神洋二易地皆然无往不利雍食絲謬敬
可略

某恭審自天易鎮諏日臨民兩賢交馳千里胥慶仰惟某
官早出惠利夙繇講聞其應物也如止水之無心其布政
也如陽春之有脚擬看三峯之秀却從五老之游其在康

庐號江東神仙之郡則近道矣盖河南高第之家足光前
修聳觀後効

某烏帽黃塵辰入酉出聞有書函自浮嵐暖翠中來者函
拜函讀謙光爛垂六儷聯珠何為至我細繹不称捲錦以
歸

某力已竭伎已窮但欲從君問青雲白石之趣既非強助
唯二溪禪行復引籲天之疏

某伏想金芙蓉觀中煙霧葱鬱亭二玉立香遠益清不戒
亦福

某恐有委于修門豈无白鶴飛來之便

回判府游南康

方秋崖

某伏以菊將秋老鴈帶寒歸共惟某官風熙兩濡潤澤千
里神比天同台侯動止万福某薰被素書以復將命者惟
中涓史所裁

某聞參同一書子朱子嘗加之意造化有炉果身外事乎
身欽惠於一方福也輒歌魯侯千歲之詩以送之

某敬以某官丹山碧水之所儲與胸襟洒落益以風月再
分之而存懷太守之章也近捨樵城遠易庠阜豈玉淵三
峽非有武夷曲二之清香不足與於此軟馬鬃一滴願亟
濡之紫橐青氈將探手可復

某移郡而與鄭鄉為隣一幸也得替而有名家為代二幸
也幸不及者交臂失之不能親傲紫馬而已雖然未一月
而兩薦名氏何幸如之

某技短才拙視英游非解先着一鞭取樵所棄竹馬姑曰
塞上翁毋失可矣居前誚糠粃相倚媿兼陵每三復歐公
語則庐山无一事可告

某平時則謂柳子非以拙對為巧也執事者耻之矣對秋
風之破屋而懷廣廈獨无杜陵之嘆教眼前突兀恨不身

化為雲

某惟堂堂大嫫森列乎雲階月地之間尊稊序列何福不
除至於羈勒所從尚以誨之鞭筴為寵

回隆興謝府教

同年

方熾庵

某冬行逾半陽欲離潛共惟某官完開絳帳絃誦洋然靈
脩相只台峽動止萬福某劈一牋以酬先施伏祈鑒在
某望斗牛間若有闕其光者豈非文星至而引避乎吉耀
實從靡祥不舍何以節宣彛禱為

某乙亥冬握手錢塘各携一遠坎婦計前日事而轉眄七
霜已墮夢境若倒指而推團司齒拜之集又夢之夢也江
鄉北肩機緣豈偶尋春隔面斷不其然

某共審來司魯泮實主齋盟尊年文文推行粹少有大李
声壯而兩仕非儒官不就其必有樂乎此府庠之外又有
湖堂然在府者曷嘗不談性命在湖者曷嘗不語科峯會

其歸而導其入師儒事也領袖成均教亦如是請以今下
某護漕篆至宜春留百五十五日側聆賀上之期不得與
諸客俱者勢也今與其長俱還矣迂踈拙僻无補幕畫不
復自言執事見之矣見而不以教且告僕將得以有辭
某茲領誨汗有儂語焉若施之素昧者躊躇累日不敢不
併酬幸勿哂其拙

某端拜申問年家大眷共惟福英祿華耆孺演迤既晉會
矣何敢請具文委

回黃機察

方烏山

某伏以清和之月新暑已祥共惟某官政李夷猶華問其
偉相維未只台候動止万福某熏被柔訥仰復謙施伏幾
營省

某聞隼士勝流所至有碧紗籠擁護復雖居塵土中餐沈
瀆跨馮濛自若也茵鼎彝恭毋庸班食煙火人語

某敬以某官名家之英士林之秀自當策足諸華趨取顯
美袖手未試諸公愛之若珙璧然陪珠履之上游列翹林
之重客固其宜也一闕之市不幾委竒室於道旁乎然府
公今代鉅人其所識察選擇當有意義得非欲借玉雪以
一洗湫隘之塵耶扶搖在望諒非淹此留也某欽祝

某耳飶香名浩有歲月山川悠緬瞻際无從不啻一朝得
遂平生慕用之意執鞭為御固所願焉如之何而勿喜
某兀二窮年弊精神於螢窓雪案間其所得者皆虛名而
不切於實用以格分教市井屠沽之輩皆足以得之政尔
偶然不足貴也惟是觸熱一來得與公等定交論文何異
濯清風而沃冷泉寂寞中獨賴有此耳良朝暇日不鄙過
從忘形到尔如相與同襟期少陵鄭老不得專此樂矣願
望願望

某行役及境方聞執事太守游子茲揆分不敢以姓名自

通先施墮前不敏愧罪淑筆以謝畧其文而取其意足矣
某僭易端拜申問隨軒瑤眷伏惟由堂徂序均介休祺閑
廳有可備委令者敢請

回本司呂運管

方熾庵

某伏以軫之方中冰霜搞野共惟某露被首塗先声敷邇
江靈奔矚台侯動止万福某三熏九頓晉記于主書者伏
祈賜肇

某觀養生之經多矣而揆時韵序則自呂令出宜採當家
之說順陽氣之生充其身之和散為一道之和某也贊而
不禱

某共審天綍中頒星輶上介贊百万計之婉畫沸十一城
之歎声仰惟某官材名當世少双闕閱中朝第一與国終
始者幾相倡道東南非一人丕揚賢声綽有偉績合階而
上尚迂此行謂西江觀風之玉人乃吾家麗澤之高第將

見賓主談笑之頃少行師友疇昔之言尽展宍施要須顯
擢

某少之日知有兩申公家世矣稍知讀書惟太史是朝是
夕近遊江鄉又知筠有大愚叟一段話今又得其下委如
執事者非惟既見之將日超走其旁觀瞻典刑叩請源委
大喜過望

其一官十五年冷官之考三閑居之歲又啜菽親旁與世
不接十月三日又見其身之為計屬也一長一短徬徨四
顧祇事之初賢車適至惟入公家則有使長入私舍則有
親長均之事長若父與兄僅見逃罵俾得視梓人之色執
茲役而超以底于城如我元僚之賜子弟有請長者宜許
之

某切惟迂騎遣行之時僕也未至一牋燕賀不得與同列
俱既至也又不能專价而馳隆施行之珠至侈甚牽課慶

激不敏不工併二罪而責之夫奚辭

某晉越加拜后問行軒珪聚自天錫羨河漢无極恐有委
役請于前驅

回司馬司理

方烏山

某伏以南風之薰槐書清潤共惟某官侯騎鼎來平反声
沸吉衛鱗龍台侯動止万福某熏被柔訥奉迎先驅伏侯
裁幸

某仰惟名家偉人遊戲宦轍存養於潛虛得法出入於通
鑑自隨世俗茵鼎腐鮮某无所容喙

某恭審瓜期孰成李掾趣行吏民欣狂獄之清臺郡侯象
賢之至伏惟歎慶某敬以某官文武淵源之所漸濡器度
才識之所植立自許簪紱便是地位中人屑二州縣似不
俛煩意其重厚難進謙誨不伐盖家法也朝家謹于庶獄
非格高者不在此選俛於一得非于門愈大之兆耶亟通

金閨還賜宝笏某尚幾親見

某半生景仰聞家不在兒童走卒後山川寥闊親炙无從
不啻以文李掾獲尾英游見未見聞未聞將自是始謂戶
外之履不折者非情也日夕傾企

某一生骯髒寡諧尤不曉場屋幸子捷徑亦不失一第再
青家醴忝倖甚矣倚席且一年有奇罵鄭虔嘲邊韶之声
幸不到耳然自揣獲落决非可以追時好取世資者昔者
先正其於待人處已事君立朝具有本末聞孫是似讞議
之暇某不敏尚願有請於下執事

某僻處空山與時邈不相接忽聞前旌壓境亟課儷語自
通姓名定落人後震擲而原省之某幸甚

某揆分尚新不敢僭申隨軒眷聚福履之間伏想轍迹所
迎第社駢蕃新治恐有委令某不敢以冷官為辭

回趙知錄

方烏山

某伏以回風癡雲商量欲雪共惟某官綱紀名都先声載路清寧顯相台侯動止万福某熏被竿擯仰闕賀床伏祈
啓者

某欽惟天家英雋来自日邊次舍所臨呵護鱗龍表迥江度
嶺濃霜戒晴愛日轉燠即天相也膳服贊禱何庸多談
某茲者恭審選勝卸鞍消剛滌籓千里聳觀於佳掾一城
駭歎於神君輿言相懽幕下增重伏惟贊慶某敬以某官
神明之超然信厚之藹然博洽之充然儲書天祿閣獻樂
三雍宮則其選也曲江宴集歲行且再周矣猶在州縣間
何耶糾郡雖號都曹在執事居之則為俯就抑輕車熟路
不嫌更展三昧手浮屠穎合則徐行於前者固所以緊擢
於後也某何幸拭目

某異時塵隱王城距雲上一衣帶水好事者輕車小舫暇
日過從不踈里中勝游多獲詹際雅聞名德欲見无繇何
圖茲今有此并合殆佛家所謂宿昔緣耶喜見顏間自賀
欲舞

某才不瘡入以格分教竭來倚席幸與士友相安無柳子
厚所謂拂耳搔心之事惟是狂名又著實行未孚肯心雖
勤綿力不逮先達名子見事多涉世久忠焉能勿誨乎不
揆下風歛社忱請

某又後車塵方修贄禮居僻偵伺不的竟為記室所先亟
抒賀忱且謝隆施不敏負罪伏惟台慈實寬假之
某僭易端拜申問使闕隨軒瑤輯伏想由堂祖序僉擁新
祺冷廳委令聞命請自今始

回交代葉判縣

劉後村

某伏以四月維夏暑風清微共惟某官政成岩邑民譽藹
然靈脩森介台候動止萬福某熏被拜手登名記室仰乞
財幸

某寒暄庸敬前削惟謹北辰梅潦初收不稔台用何似欽
惟民之父母神所勞相更冀順百里之望四時之和以對
薦書以輅召節某誠敬

某敬以某官靖退之風廉約之操望之如振鷺白圭殆非
塵土中人東陽壯哉縣異時入望而畏執事為之三年有
成未嘗擊斷而豪強退聽無所綜練而事物自理蓋其悃
幅無華似劉方高簡无欲似元紫芝至於鹽筴賦板緡
有餘裕雖聖門由求不能過也上方收召羣賢褒表循吏
解印入覲必為清望官矣某不佞

某服膺名德願執鞭為御之日久矣山川間之厥路无由
適有天幸獲繼芳躅快景星之覩託雲來之好乃自今始
遙溯高風喜而不寐

某少時妄喜功名二十年間浮江淮放浪嶺海時命大謬
始欲入山讀書然世故膠輶隱事未諧去春集注欲擬茲

闕人皆曰是不可向迹或又曰今明府整頓一番昔之難
者轉而為易矣愚意遂決然才短智鈍視閣下無能為役
凜焉它日敗闕是虞所恃良法美意悉可循守嘉言善話
不吝啓發萬一藉手蒙成以不為交承之羞抑門廡之賜
也敢布腹心惟執事實圖利之

某屏居村疇成期尚賒未獲踵門先辱華翰迺知高誼度
越古人某不敏甚矣斐然短牋姑以見執贄之恭致負荆
之謝筆硯久廢言語不工倘垂覽矚幸甚過望

某皇恐僭越端拜申問使閱尊大之眷伏惟德星所聚和
氣致祥田舍恐有使令拱聽鑄曉

回新黃判丞

劉後村

某伏以暮春之月天朗氣清共惟某官騎氣鼎新來貴名日
起靈脩森介台候動止萬福某敬奏記干主書切幾鑒省
某暄涼彝敬已肅右染此辰未諗台用復奚似敢乞為器

業之重珍護次舍對越薦敷至扣

某粉榆錯壤挹芳名於方冊間亦有年矣前此常恨未及及一面敢謂試吏于茲遂有同寅之幸承顏接詞自今日始遙睇前驅預切忻躍

某切以某官自其在場屋時已負重名每一篇出士林傳馮為紙貴置之紅藥紫薇之畔夫豈不且顧來拂藍田壁記耶新天子方留意翰墨馳情文賦必有吹噓送上者某欽遲

某不量謏薄冒試劇邑賦訟浩繁臺府迫近凜然有不勝任之憂賢者此來休戚同甘苦均必有以扶持而箴切之某庶乎其知免矣通贊之始僭布腹心皇恐死罪

某茲承瓜戍有日方圖修敬過沐譙光先貽華問不腆短啓姑叙好雅非所以論文也儻垂電覽榮幸孰甚

某僭越再拜敬問台閔珥眷伏惟自天錫羨如日方升邑

中預有翫頤垂鑄曉

回李判簿

方秋崖

某伏以春酣霧景花柳事殷共惟某官老成典刑惠我巖邑有嚴有翼台候動止萬福某敢拜手以復典史者為里父老賀

某聞動靜吾乾坤也呼吸吾陰陽也君子用易之泰消息一身蓋造化之委和具焉鼎烹養賢惟左右者之宏其用某得之父兄之言曰自尔去民畝為士伍賢大夫之屈吾鄉者僅若而人有來枳棲真古仇覽惜爾之交一臂而失也遡瞻家山有既其歎

某惟孔子先薄正大訓凜然孫寶所謂士安得自高蓋猶未足與語此執事筆扛龍文百斛之鼎手探鳳巢五色之丹繇他人觀之謂當跨閭風登崑崙而乃肯以朱墨最僻縣或者吾夫子之意與何以薦聞厥有董德元故事

某識字田夫耳歸賦吾故牛衣未寒諸公不相知留佐軍者三年美敢謂憶松江之鱸而來乃復跨揚州之鶴而去從古所歎行或使然

某有茅半間比鄰明月令燼矣人或以為王參元賀然相攸瓦礫中心坦兮賢哉大夫寧無惻於此用敢介吾翁之舊以請

某疎遠也望九霞飛珮之仙惟有虔敬若曰奉區冊云者其惟力之恥

回泰寧張縣尉

方鳥山

某伏以夏既初望天氣清和共惟某官司警花城先聲籍甚相維天只台候動止萬福某謹齋宿登名于主書吏伏俟裁幸

某欽惟偉人家于三十六洞天之下扶輿清淑與生俱生燠金涼苗無庸薦食煙火語

某茲者恭審趣成解鞍消辰滌籀吏民改觀田里權呼伏惟贊慶某恭巨某官士林之秀學者之師其博習也可儀儒館其練歷也可陪國論明庭上對柄人物者蓋思所處願解鵠袍紆黃綬雖曰資格貴然二非所以旌宿學也抑前賢不卑此官謂與民最親可以行志及物勉於一來意或在是鴻鵠告祥鷄薦且交上某惟有拭

某少從父冗宦遊于建丹山碧水賢豪多獲交際歛社下風浩有歲月不圖茲今諧既見之願於是雲萍增一板矣如之何勿喜

某孤苦百罹甫收一第以格分教非犯好為戒也幸甚常僚實維前一輩人攷德問業將於是乎在然執事方有百里鄉鄰之托不知可以數奉從容否也興懷及此不勝卷

某引領前旌方欲以姓名自通不意乃為記室所先遂墮

不敏率課儻語且賀且謝知不足以辱覽幸發一笑
某皇恐僭易申問隨軒使眷伏惟由中及外序擁休嘉冷
廳有可使令願稟要束

新編翰苑新書卷之六

別集

王化奎

新編翰苑新書卷之七

別集

奏狀

附 申省狀
進貢狀

陳乞

辭免兼直學士院

劉後村

存

臣今月二十四日恭準尚書省劄子備奉 聖旨劉公兼
太常少卿兼直學士院者寵光游至謗薄曷任伏念臣隨
召節而起家携束書而詣闕誤叨獎擢不俟對揚深惟九
重特達之知豈非千齡稀闊之遇退而自揣凜乎未安與
其忘分量貽笑於帝朝孰若以情實自歸於君父蓋頌臺
之弄印俾文館而代庖故府有舊典禮之存同列有議
郎博士之助尚堪黽勉仰奉使令至如禁林以待宗匠億
負時望石介乃改其文軾官制科韓琦尚難其進於皇
聖上九重詞臣比年以來久虛此選又况燕間律筆煌二
雲漢之章英俊如林繁二奎星之聚寧无大手可望末光

臣裒撮贊書了无新意旁觀莫掩已試可知加以三年不治筆研之餘一病僅延喘息之後遺編久廢未暇溫尋殘錦无多安能潤色倘貪榮進而冒受將為明時而起羞欲望 睿慈俯矜愚悃映藜閣上姑令讀未見之書視草禁中宜改属能言之士所兼太常少卿臣已擇日前去供職外有直李士院息命乞賜寢免冒黷 天威臣下情無任恐懼之至

辭免兼 崇政殿說書

前後

臣今月初四日恭準尚書省劄子備奉 御筆劉公王搆並兼 崇政殿說書者渙渥渥盼震驚靡措切惟旃屢乃陳善閉邪之地朝廷多通今博古之儒曾謂諛聞迺親擢伏念公少雖專苦晚益惰荒項逢負辰之知嘗尾執經之列自愧輒生之淺陋莫逃 聖主之高明方王求多聞既旁延於鴻碩意愚有一得俾重侍於燕間然而念舊者君父之仁量力者臣子之義倘濫陪於誦說將奚補於緝熙欲望 睿慈收還誤寵姑容末季安芸館之校讎別選 耆髦備金華之顧問所有恩命未敢祇受

辭免除起居舍人

劉後村

照對臣準十月三日省劄備奉 御筆除臣起居舍人者做盼奎畫交戰危衷伏念臣近以衰殘輒求休致露章雖切天聽愈高適值朔祭有嚴恭謝已迫遂勉竭駿奔之力庶幾違瘵曠之誅止竢禮成復伸忱悃忽叨渙渥良劇震驚切惟振鷺之群尤重立螭之選平生夢想所不及一旦遭逢而躡升既貽昭代之才之羞亦為明主知人之累而况臣半暮在列八疏乞骸心勦力疲辭窮理極設若為卿監則頻數引去擢記注則徘徊復留是懷利以事君且矯情而罔上縱聖恩寬其鼎鑊之戮然公議甚於斧鉞之嚴蒙此惡名喪其素守庸敢瀝肺肝之悵非姑為文具之辭

欲望 眷慈特垂淵聽察臣前請寢臣新除俾挂衣冠歸
尋醫藥實出君父終始生全之賜所有恩命未敢祇受

辭免陞兼侍講

前人

照對臣今月十九日伏準尚書省劄子三省同奉 御筆
劉某陞兼侍講者渙渥俶盼震驚罔措切以經帷所繫甚
重講席之選寢高昔專處法從近臣後參用諫官御史非
博洽之前輩必直諒之端人如臣者記誦荒疎敷臣短拙
荷冕旒之寵獎侍旃屢之燕閒所習輒生章句訓詁之言
不過口耳其於 聖主緝熙光明之季奚補毫芒顯黜乃
其分宜驟迁出於望表陪諸老先生之末猶恐不堪列前
師後誦之間孰云其可倘或昧循牆之義必將累當宁之
知欲望 眷慈俯矜愚拙姑令撲柰少安夕說之聯別東
名儒俾效辰猷之告所有恩命臣未敢祇受

辭免除秘書監申省狀

前人

駭

照對某準樞密院遞到存字號黑牌皮筒十年十二月初
一日省劄一道三省同奉 聖旨除某秘書監日下前來
供職某叨承詔札超長仙蓬願暮景之推頹被新榮而戰
駭伏念某向者受知君父接武英髦預東觀之討論撮西
垣之封駭誅巨姦而奮筆螳螂之臂獨當賣明主以求名
犬馬之心不悉義存補益事已挽回尚責詞臣而求全似
為權相而振忿終南回首觚稜常統於夢魂楚澤行吟玉
座未忘其名姓升朝班於金掌將使指而繡行友纍然襄
黔之中復訪以汗青之事孤恩至此投涕何言枕塊之禮
甫終予環之命隨至遂繇草野重領石渠而某幽憂三年
沉痾九死召不俟駕固威命之莫違彈未成声竟餘哀之
猶在况位置高則必招天下之公訖辭受審迺不為名教
之罪人輒控巽函冒干化治欲望敷陳危懼寢免除書倘
未容掛神武之衣冠亦姑俾奉祠官之香火某死任俯伏

衰

侯命之至伏候指揮正月十七日三省同奉 聖旨不允

再辭免兼直學士院申省狀

劉後村

某近具奏辭免兼直學士院今月二十七日伏准尚書省
劄子備奉 聖旨不允者俞音尚闕忱悃未孚遂忘再瀆
之誅冀動四聰之聽切以摛文地遠視章才難思溢則起
春江上水之譏詞苑則貽拙匠血指之笑如某者兼有二
患子死一長倘以山林小家數之文施諸朝廷大典冊之
用設有非常除拜不測傳宣勅使倏臨院吏傍趨一辭莫
措不醜具呈非徒裁身抑且辱國此 先朝張方平所以
有當自量度之戒而近世葉適所以必力辭兼直之除矧
如後李之么微莫企前修之一石一剗肝瀝請頓首固辭欲
望敷陳亟行寢免繩樞草舍愧非修鳳之才金馬玉堂別
選提鰲之手所有恩命未敢祇受

再辭免兼

崇政殿說書申省狀

前人

百

某今月初七日准尚書省劄子以某辭免兼 崇政殿說書
恭奉 聖旨不允者某昨陳引避之忱未奉曰俞之詔雖
外貪於光寵然內省於空疎當明師在廣廈之時奚庸末
至誦君德由經筵之語安敢冒居欲望朝廷特為敷奏別
選通經之士俾典學之功所有恩命未敢祇受

再辭免修史申省狀

劉後村

某近具奏辭免任責修纂 四朝志傳等續准尚書省劄
子備奉 聖旨不允者未奉帝俞洊陳愚悃伏念某奮身
凡品受上異知拔諸米益簿書之麓官寘之言語文字之
華選使赴湯蹈火亦報禮之當然况弄翰濡毫乃平生之
至樂豈不貪承威命趣就涓埃顧 中興業碑功崇信史
事大而軀重宜屬當世鋪張閱休之大手仰副 明主緝
熙鴻烈之盛心而某舊聞既荒宿恙復作雖欲起趨執簡
之列其如方困采薪之憂伏枕矢詞扣闥瀝請欲望矜其

迫切賜以敷陳別東三長之通儒共成一代之鉅典

再辭免新除起居舍人申省狀

前人

照對某準初五日省劄以某辭免新除起居舍人恩命奉聖旨不允者重念某所抱沉痾已詳累疏才非揚億不敢為陽翟之行官似知章止欲乞鏡湖而去眷留未替拔擢有加屬齋居決事之辰叨柱史記言之選居常旋暈於侍立之際難素之建明恐直前之戕曠而况力甚駕而已竭舌非~~四~~之能追倘昧牢辭但貪榮進及物議並與而攻詆雖聖恩不得而保全欲望朝廷特為敷奏寢免新渥放還故山某死任席蒿~~命~~命之至

辭免除石文殿修撰知建寧府申省狀

全前

照對某二月初七日準省劄奉聖旨除某石文殿修撰知建寧府者拔拭驟加省循增恃伏念某昨者自量朽拙難玷清華六丐退閑兩求休致不能決裂徒積悔尤及煩

霜簡之暴揚尚辱奎文之揜覆進無路以報明主歸无辭以白先人朝夕思惟淵冰兢戰至如陞華貼職起廢守藩非朝廷勝流則中外宿望今界之被譴汰歸之冗士若待夫以礼去就之近臣實孤危晚暮灾身之媒亦始初清明除目之累盖嘗熟計惟有固辭皆流出胷中之言非漫為葛上之語欲望公朝俯憐懇切力賜敷陳挂洪景之衣冠或未令於謝事取買臣之印綬姑俾遂於祝釐所有前件恩命未敢祇受某下情无任俯伏俟命之至

辭免暫權福建路轉運副使申省狀

後村

照對某二月二十四日準省劄奉聖旨某特暫兼權福建路轉運副使者起廢過優省愆知懼重念某久抱負薪之疾幸返故栖力辭剖竹之榮庶安晚節惟明主深哀小臣之流落而公朝不忍一士之弃捐冀續甬馳除書存至轉輸一道宣布六條仰稽慶曆淳熙之盛時有若蔡襄

林析之前輩凜然清介對此寵光今以表憊飾中之人責之激昂攬轡之事况漕計非書生之素講且鄉嫌在令甲之尤嚴雖曰暫兼亦難冒受揣量至審僂倭固辭欲望朝廷特為敷奏姑令暮景改尋香火之盟別選時髦增重節麾之寄所有前件恩命未敢祇受

辭免右文殿修撰提奉亳州明道宮申省狀 全前

照對某伏準省劄勅黃某依舊右文殿修撰提奉亳州明道宮者伏念某昨者召歸當舊相之末斥去在諸人之先每責已以省愆尤杜門而畏禍 聖朝更化賢揆奮庸垂紳之流率笏以賀既不敢獻徂徠之頌亦未嘗通元城之書上恩偶昇以節麾物議遂疑其鑽刺洊煩拜劾切中隱微祛終朝黜未塞責蓋無狀名姓常汚人齒牙對揚者加邪說攘臂之名封駁者極險人秉筆之詆外積衆毀內無裏言幸逢 真主之英明夷攷纍臣之平素忽叨華賤且

領叢祠磨玷茂聞還轡太驟豈不貪朝廷之榮寵恐又費君父之保全欲望鈞慈特為敷奏反汗亟收於前命餘齡庶免於後災某無任席藁候命之至所有恩命未敢祇受

辭免除都大坑冶申省狀

劉後村

照對某十月初六日伏準省劄奉 聖旨某依舊賤除江

淮等路都大提點坑冶鑄錢公事者除書驟下感涕交零伏念某頃以空疎列于華近迫招徠而後至遭彈射而先歸絕筆不作子公之書飯蔬終死伯氏之怨閱歲華之四易值鈞播之一新元夫巨人予環相繼前後故將復玷者多至如毫矣之夫亦忝使乎之選切聽道途之傳說皆言君相之憐才初无先容遽出新命而某病根猶在年事向高更衆毀不直一錢之餘退安田舍當明時欲抹五銖之弊責在鑄官徒泥方穿詎通圜法倘辭受之際不審則曠瘵之悔奚追欲望敷陳亟行寢免擇時髦而臨遣俾晚節

之保全所有前件恩命未敢祇受

代范丞相乞退閑

方秋崖

臣屢貢封章丐從罷免聖恩天大委曲諭留臣夙夜憂惶
 衰病增劇政恐溢先朝露上累聖明蓋以 陛下實英眷
 有為之君而臣亦不肯為頑鈍无耻之輩若 陛下優容
 不斷臣遂偃蹇自如君臣之間胥失之矣兼臣昨蒙內引
 即已跪辭豈有今日違離清光明日出入禁近其為奉措
 殊失觀瞻每出城闕輒宣恩旨待罪于外厥路无繇臣今
 只得卧病杜門祈天從欲中書庶務難以與聞臣已截自
 某日雖常程文書一切不敢書押外踟躕俟命必得請而
 後已 陛下不早賜處分却恐以次臣輔未免尚避嫌疑
 必致彼此因循稽墮朝政今何時也而可以臣費日乎成
 断少遲愈重臣罪 陛下雖欲寬其雷霆之怒而不可得
 矣伏望 陛下憐臣之齒髮已括察臣之肝膽無欺前後
 哀竦命之至

又

方秋崖

臣猥以衰殘之年迫於危篤之疾懇求骸骨備瀝肺腑方
 幸天意哀憐奎章開允恩隆眷厚感極涕零而臣猶有區
 二之愚不勝縷 二之黷切以臣稟賦迂拙遭逢聖明又汚
 清朝遂登元宰顧微臣之謹畏惟 陛下之簡知外此无
 長自量甚審既遂山林之衰老已為天地之生成而乃峻
 以文階冠于書殿優遊真館密勿經帷凡往前歸老之大
 臣死今此便蕃之異數人將不怒臣亦何顏伏望 聖慈
 盡免殊恩曲矜晚節但令閑退即是寵榮所有特轉兩官
 恩命臣不敢祇受外欲乞別降指揮許歸田里臣不勝云

代趙叅政丐祠

前人

臣輒控危衷仰塵睿聽臣聞君臣相與惟以真情命義之間蓋有大戒其知進而不知退則天下之大戒謂何欲言而不敢言則臣子之真情安在臣今懇請天實鑒臨蓋以臣本乏修能僅堪煩使當分捆束淮之日忽叨恩西府之除自以授任於領兵謂宜聞命而就道第亟祇於召縛寧敢與於事樞倘得至冕旒之前便當乞骸骨而去不啻未回天聰噴有人言是以惴恐而控聞蒼黃而遠逝當時言者之有劾至謂微臣之無君及茲化瑟之更偶與招旌之數則其趨走豈敢次且臣雖至愚極知非據直以君臣之大義不可終絕於闕庭天地之隆恩不可委棄於草野黽勉一至荏苒兩年其若庸材不逃聖鑒今齒髮日以遲暮筋力日以疲駕課其功能負比歲月欲望聖慈察臣之孤立寡與憐臣之朴直無他凡茲懇祈盡出真實俾歸田里

以畢年齡則君臣之真情以孚其命義之大戒以著在臣某為有進退之分在 陛下為有終始之恩一遂所祈兩極其至惟 陛下幸垂聽焉臣无任激切祈天俟命之至

南康軍丐祠

前人

某輒控愚忱仰干鈞聽某蒙恩假守待罪踰時適當凋瘵之餘殊費補苴之力帑廩幾於赤立鬚髮為之白紛事二荒殘殆難措手日二整葺良以焦心久欲控丐祠之章或又拘滿歲之典越趨不勇踟躕靡遑忽有得於傳聞實不勝其幸會某今月十八日據邸報內一項知南康軍方岳與新知邱武軍游孝嚴兩易其任某治郡無狀法當汰歸得報易麾尚從禮遣此雖廟堂委曲之意政契田里便安之私除已截日不敢治事外欲望特賜敷奏別賦叢祠某只俟省劄到交割與以次官一面起離前路聽候指揮

申省乞祠

前人

某昨蒙公朝起之牛舍分以魚符近次無旬月之淹鄰壤
無蹄輪之後非不感聖恩之寬大戴元宰之生成而某賦
性寡諧與時多迕雖大君以天為度必不以一青讎匹夫
而微躬無地可容自當終此生編民伍倘不量而冒昧恐
益重其顛降比以近降旨揮已嘗被受今聞遣逐敢多控
辭欲望特賜敷奏仍畀叢祠以安孤跡

進銀狀

前人

斗樞瑤月式篤商生尺地寸天適修禹貢前件物有邦之
式厥賦惟中仁壽八荒不寶裏蹄之品玉帛萬國但欣虹
渚之祥

新編翰苑新書卷之七

別集

王化塞

新編翰苑新書卷之八

別集

致語

天基錫宴

方秋崖

伏以聰明而作元后天開甲觀之祥富壽以祝聖人春洽
乙飛之旦罄四海呼三之頌上萬年第一之觴恭惟皇
帝如日華暉如乾粹健用眾君子裂陰霾而劃開更一化
元洗陽光於晦蝕言觀左臯夔右稷契直欲駕唐虞軼商
周德新日新而又新有赫泰平之象道大天大而亦大於
昭震夙之符嘉與函生共陶熙旦臣親逢聖世雅習治音
擊壤有歌望雲以奏

春綠晴融太液池

好風都在萬年枝

宮牆瓊玉韶音遠

合殿珠環曉漏遲

天近六龍扶翠輦

雲深五鳳挾瑤卮

鐫京長啓需雲宴

先奏端平第一詩

王母望闕

方秋崖

伏以歲重光而開景運海岱同春河一清而生聖人乾坤
齊壽華星流渚霽色浮空恭惟 皇帝乃聖乃神惟精惟
一仁義既効陰陽和五穀登金華已平邊鄙寧四夷服農
桑萬里書軌一家洪惟龍御以來無此駢飛之盛慶弥普
率頌洽盈成律八十一寸則一分又定閏餘之曆筭二萬
三千有三百適臨亥首之期申命用休惟皇建極臣等生
逢堯舜世習師衰敢傾魏闕之心肅奏康衢之誦

曉蹕初催上壽班

東風連夜到人間

九重春醉金鑾殿

萬歲聲函碧玉環

大地山河年穀熟

太平日月羽書開

明朝第一番花信

併與瓊幡下虎關

天基節當筵致語

方鳥山

麗正門前壽慶兒航之祝熙春臺畔恩榮燕席之開光近
九街驪騰千里共惟某官二鐔秀氣雙井名家又騰康海
之謠天為啓齒再擁專城之重雲自無心以笑談風月之
餘來管領星辰之聚丈夫當為真耳詎容樵水之留侯王
亦有種乎行囊荷囊之後提刑司直倫魁望闕膚使清名
弓矢旗旄未覺玉關之人老園林鍾鼓若為珂里之身閑
便對三朝趣儀九列提舉寶謨筆工地草秀襲堦蘭福德
瑞時向迭奏墳荒之和長庚烟曉今獨當衣鉢之傳新秩
架高舊壘焉往濟二寓公之接武彬二時彥之盍簪會福
地之羣仙聽鈞天之方舞恍對端門之曉移來禁苑之春
蒲座祥風誰道天上人間之隔來年今日回為柳邊花底
之遊仰對周筵僭歌郢曲

曉日金門氣鬱葱

人間萬里總祥風

再登况遇三登盛

獨樂何如眾樂同

行有玉觴陪適列

豈無金鑑洞遺忠

天恩平等何分別

盡在簪花舞蹈中

宴徐大參清史

方壺山

閩分紫橐新錦里之行春禮重皇華張綺筵而十夜丹山
 偉觀一道惟聲恭惟其官名蓋八紘道關四氣學問術業
 渾淪姬孔之規模議論典刑活脫富韓之人物所謂百年
 能幾見何止過江第一流繇桂府以召歸陟松陌而深峻
 萬鍾千駟莫移家食之心一馬二童殊渴都人之望履聲
 未到黼春愈深恍聽樂於鈞天命開藩於福地萬釘寶帶
 視真文昌十文牙旗作大元帥建碧油幢於甲第羅紅帕
 首於午橋憶昔端平號小元祐喜以七閩之重鎮畀諸一
 代之真儒旋上政涂未弘相業今時望復歸於南浦若明
 公即向之西山宜當聖天子眷注之隆大究老先生經綸
 之志富貴歸故鄉豈為樂才咬道盛德豈為誇霖雨四方

端繫蒼生之福分高風萬古好看黃閣之聲名麻汗芬芳
 棣華輝映我都運竭來弭節親見滌符昔託好門墻見謂
 金蘭之友今相望臺間皆在桑梓之邦豈不望我公歸姑
 且為閩人賀酌同心酒我有興詩又見鮮于公事坡仙於
 定武會如歐陽子記忠獻之相州吹拍俚歌笙簫盛事

麟符又合換貂蟬

又向鄉邦擁十連

眼赤腰黃天寵澤

顏紅鬢綠地神仙

極知晝繡堪行樂

見說宵衣正渴賢

好是還珠門外路

入看四輩下翩翩

宴湖南趙帥

劉後村

撤山前之薇戍方卷捷旗訪江上之棠陰忽聞歸騎延為
 薄具以屈高軒共惟某官峻特而潔清沈潛而剛毅生長
 古靈之里甚似前修從游勉齋之門見稱嫡子肯吾徒之
 畏友亦近世之名卿清標洗五嶺之貪風妙筭掃重湖之

妖祲集衿佩於凋零之後多所講明營金湯於談笑之間
一何神速方名垂於竹帛迺興動於林泉魯望江湖散入
公雖甚適更生宗室遺老上必見思會有鋒車徑歸禁橐
我知郡編修吏部交游最蚤聚散靡常晚繼踵於前規復
借光於鄰績暫駐函關之紫氣同凝燕寢之清香把酒而
登雲山小休午暑聯鞍而游雪鼓尚約秋風輒以心聲寓
于口號

長劍高冠有駭機

平生受用一深衣

鷲方跼跼水中墮

鴻已冥冥天外飛

離索略憑危酒訴

淹留却羨角巾歸

祝公小住為佳耳

莫與江邊父老違

提刑曾寶章宴陳安撫陳侍郎樂語 鄭雪巖

玉帳總戎順天行討綉衣持斧易地欣逢十行誕布除書
八境頌增和氣好是戈矛整暇不妨樽俎從容坐折遐衝

動收勝筭恭惟知府安撫節制江西廣南福建兵馬侍郎
位望隆赫宇量恢洪賈傳治安太息書無非先見武侯前
後出師表可謂孤忠淮壖盡護於風寒閩嶠悉除於氛祲
合展經綸之大手尚煩鎮撫於崇牙并鉞參旌屬宣威於
南浦奎章壁畫式借重於西清未露毫芒早為卓絕憤通
誅之窟免尚假息於金魚命提三路之屯妙運萬全之略
懋崇猶在思北山賢守之來騎竹爭迎喜東閣郎君之至
尅期奏凱指日召環我提刑判府節制寶章又矣受知偶
焉攝之駕舟於波濤之上此念則均攬轡於原隍之間肯
安乎逸奉兵民之二印還師帥之一門稚耄歡呼後先輝
映實為盛事爰秩初筵對酒崆峒但覺江山改觀勒功渚
水會看笳鼓歸來某忝列伶工獲瞻華集敢哀輿頌上對
台階

聽得敷綸天上頭

二星交會玉虹流

風生三路軍容壯 春到雙江喜氣浮

談笑預知傳露布 勸酬只恐促更籌

會看印佩黃金斗 肯羨當年定遠侯

安撫陳侍郎宴曾提刑致語 鄭雪巖

使斧宣直指之威來馳騏驎傳帥垣陳無敵之武相會燕江
等是為民盛心共成勤王偉績有前茅之先慮宜列豆以
交歡恭惟知府安撫節制江西廣南福建兵馬侍郎地位
穹岩天姿挺特錫原並秀籍甚四傑聯名之稱貂裘相承
未數萬石傳家之眷帝眷北斗南之隆望公開大江西之
崇臺六轡在手如絲三軍歸心挾纊填伯氏箠仲氏聲援
翁隨東周公西召公股肱夾輔均軫推車之助盡寬富饋
之憂我安撫制帥侍郎百鍊無非剛一身渾是膽每耻匹
夫不被固欲好生弗與此賊俱存未能去殺憤煙瘴之塵
未洗喜英雄之見略同少延膚使之臨大作吾軍之氣玉

虹對酒莫辭鸚鵡盃之深金闕上功相映麒麟閣之畫某
等叨居樂部預奏凱歌上對華筵仰陪清笑

恰好鶯花一半春 福星相會贛江濱

丈人師吉符前識北山守贛時補試出此題 膚使心同掃舊塵

看劍引盃宜酌酌 輕裘緩帶倍精神

從今淨洗天河甲 有詔催歸兩重臣

彭知軍宴交代都運陳寶章 鄭雪巖

六轡載馳已戒皇華之禮樂一麾來守少陳祖帳之容儀
親莫親兮舊告新樂莫樂兮小比大賓筵初秩侯度交歡
恭惟都運寶章即中名重如山心清於水康節先生不作
皺眉事器量低寬司馬文正每務顧影行跬步不錯仕宦
三紀始終一誠自公南來寬上西顧塵清鄭韋陰蒲召棠
政本慈祥十萬戶陰受其福里無愁嘆二千石真謂惟良
乃眷奏功就加督餼福星臨斗牛之分雲漢聯奎壁之儲

紅旗捉賊黃紙除書聲不求於赫二畫棟飛雲朱簾捲雨
若非羨於渠二雖仁人初不計功然天子必報有德自六
品以至一品徑登二十四相考中書卷一天此獨二天未
忘五百里侯封舊地薄從設席未聲攀轅判府從虞世臣
止堂家學牛刀暫割聯興十室之弦歌驥足少淹久贊一
臺之計畫秋行湘水冬涉橫江來分嶺畔之竹符共被日
邊之綸綍喜尋賢轍默契盛心作於蕭規守於曹隨民歌
清一前有召父後有杜母政紹中和而奉六條治無二致
情相得而勢分略味既合而和樂同小攀行色之忽二
是滿懷之拍二傳盃莫放山色難留歸興濃調鼎可知梅
花預報新春好某等叨陳伶夜獲對台階敢緝民謠敬陳
樂語

使軺嚴戒鼓逢二

熊軾頒春到此邦

炳二福星臨一道

融二愛日照橫江

斷霞秋日閑飛鷺

荒草寒煙不吠龍虎

臺府交歡同一舸

從今俗返古淳龐

衆門生宴都運陳賢章樂語

鄭雪巖

皇華遣使臣以禮特異常儀弟子事先生有年欣逢盛事
盍簪交賀望履生輝厚意肅將初筵斯秩某官卓龔今代
老佛前身昌黎伯名重泰山親傳正學司馬公脚踏實地
不務虛聲萬變無越此誠三菴積成一信又誓熊軾坐鎮
魚城民迂善與日惟新天助順乃秋亦有塵消渤海入歌
二千石之良計上甘泉帝謂十一州之最爰嘉撫字就命
咨詢不勞原隍之驅馳已遍山川之跋涉由偏州而升刺
史舊典常聞自屬郡而登漕臺此邦昉見况寵以圖書之
峻品益增其廉訪之大權除目一頒頌聲四起南浦飛雲
西山捲雨放懷畫棟珠簾北門視草東觀藏雲平步黃扉
青瑣闔座衆官公門桃李匠石榷楠不欲效季良願效伯

高源流有自一舉得石洪再得温造臭味略同共捧螺盤
前趨燕寢謂孔明之器識寧久轉輸知黃霸之寬和必爲
輔相恐攀轅之忽遽莫揮塵之從容侍琴瑟於席前奏笙
簧於堂下橙黃橘綠一年好景之時梅粉楓丹十月小春
之快可謂四難并之會宜奉三達尊之歡言語雍二威儀
抑二更長賸燒千炬燭十分蒲泛鸚鵡杯天上頻翻五色
文一蹴竟登鸞鳳閣某等叨陳伶伎獲對台堦敢采歌謠
敬陳韻語

紅塵驛走大江西

御筆親除濕紫泥

就從福星臨一道

敷爲膏雨遍群黎

粟芻妙幹多新略

桃李重栽蒲舊蹊

指日論功升劔履

未央賜燕月璇題

宴江檢詳

半存齋

繡衣立綵服趨俯拾省郎之選玉露繁金天豁漫爲司馬

之行不敢賡東坡點絳唇所願賦李賀高軒過意不在酒
文以足言共惟判府提舉檢詳攬星灣之炳靈空睢漢之
藻繪焚香讀易得伏羲先天之心鼓瑟詠沂有曾點莫春
之樂耻作三代而下人物直求六經向上工夫去國身輕
勢有如於飄葉在家飯淡人莫揜於餘芳幾年冷面世無
知一片古心人不識合孤斟於北斗俄共理於西江文通
五色筆重來尚記永明腳跡公著戲絲堂無恙猶存元祐
歌詩從前麾節豈無人似此衣冠能有幾天全是樂人豔
其榮矧茲一男子之行補此四先生之坐扶開宇宙千年
祕恍如濂伊洙泗之遊拈出江山一段奇便是睢嶽嵩廬
之樣焉皇之車先戒虎豹之喙已空紫界宮墻且聽雞人
傳漏箭翰林華蓋又將鯨力破滄溟通判枝勘半刺佐州
六條受察黑貂裘敵昔慙閣筆於館中白鷺洲橫今幸題
輿於戲下初非展驥徒贅畫蛇所忻丞壁之方書猶及仙

舟之來駕名位不同而禮秩亦異敢要龍節之來斯德音
無爽而壽考不忘願奉兕觥之躋彼已足洗熱烘二之暑
氣好與談活潑二之話頭鷲出谷後精神魚躍淵時氣象
匪由強勉直是相關莫教北海酒樽空用當南豐香瓣敬
廬陵風月三千指未問醉圍吏部文章一百年行行遠用
欲資一祭更詠七言

神螺卷雨入田疇

留得公堂一片秋

天上已催郎署去

人間難挽使華留

莫嫌仲舉題輿晚

猶及東坡秉燭遊

易在虎皮公在坐

試開寶篋爲人謀

同張倅宴吳吉州

年存齋

漢吳公沼平之行稱第一流歐陽子文物之鄉非尋常郡
人與山川頑頡天開賓主逢迎新府肇開初筵津秩共推
判府編修清防冰刷健筆芒寒星時動少微獨擅古括縉

雲之秀世不乏季子卓爲濮陽渤海之宗聲名鞭翠鳳以
參前步武駟玉虬而直上載武略編摩之筆望重紫扉惹
文昌奏對之香班通碧落舟迎神山而引卻香隨燕寢以
清凝寶氣騰空又躍龍津之劍神光照水終還螺浦之珠
曾未挾於堯叢已有光於漢竹望狄公飛雲處好音時到
於家庭登江武戲綵堂俚話重新於州宅世無此樂人艷
其榮紅粧執樂白粲連塙漸復承平之舊觀赤羽曉晴金
榜射日儲胥獻納之迹聯而我兩府判又矣仰高幸茲事
長岷峨萬里心寒孤矯之鴻江漢十年影斷未歸之鴈甚
媿成都雙玉筍來尋湓浦百花亭不圖無鱗之州獲際盡
之巖軾人欲和別乘清風之曲我惟誦棲枝明月之詩至後
日長且喜剝陽之盡盪夜來雲凍不妨需燕之式張笑共
索於梅花舞偏低於楊柳琵琶好聽未須濕司馬之衫看
款雜陳政好尽醉翁之酒姑煩樂指申介壽眉揮萬字飲

千鍾不忝文章之太守薦三花裁五色會徵岳牧之詞臣
某等濫厠齊優獲觀魯燕輒陳口號上贊顏行

新陽葭琯已浮灰

昨夜珠從合浦回

曉日鷺旂新竹契

春風龍炙古蘭陔

青原別駕斟丹酒

碧落仙人醉玉梅

來歲五更三點入

直迎紅藥看蒼苔

邵武宴交代權郡

方秋崖

半刺史行刺史豈惟風月之分今將軍故將軍共喜星辰
之聚碧玉環收霖雨黃金印領山川歡奉壺觴相傳衣鉢
共惟交代書潛犧極劔躍龍津江夏之才無雙幼余有此
竒志潁川之政第一今何為乎假僕瓜時近在一日間芝
字飛從九天下小徐王覲有為民留謂且握手出肺肝尚
邀陰賜其將與帝作喉舌於赫陽光我知郡式開我龜乃
發爾爵念生平之少可無今此之佳逢舉扇障西風公毋

多問持盃勸北斗夜未渠央畧駐皓歌試聽輿誦

誰作山城三日霖

老天自識兩賢心

樵溪留得琴龜住

廬阜飛來笙鶴音

綸紱沉香千里共

袴襦春暖一盃深

薰風輦路重携手

夜對金盞月滿襟

趙制使宴吳宣參

方秋崖

飛書諭蜀未跨錦衣之榮擊楫渡江匪戀綵袍之舊抵掌
而談當世事知心者有我輩人要共清並塞之煙塵初不
為今宵之風月共惟某官秀出於魚鳧蚤叢之國儼立於
夔龍鸞鷲之班口代可汗漢廷無出右者泥封函谷齊國
其庶幾乎上加殿西角頭世有老東坡手咨尔王佐宣我
皇威安邊竟成功名不再舉矣識時務在俊傑思一詣之
春生淮海之樓光動斗牛之宿我某官情深鳴玉詎重斷
金江國幾離亭邀淵明於半道宇宙一杯酒錢相如於故

鄉少停皓齒之歌各吐壯懷之畧挽河而洗兵甲想忠義
之相期折筮以筮羗夷當笑談而自却敢陳俚頌共後雋
功

二老風襟了不羣

笑談自可却塵氛

詞臣舊奏平淮雅

里老今傳諭蜀文

吳國隱然如一敵

趙邊足以張三軍

莫辭整頓乾坤酒

捷羽飛來共策勳

宴吉倅王實之

劉後村

瀛洲學士爲江鄉半刺之行句曲山人惜親友中年之別
將秣馬膏車而去與迺殺雞爲黍以留之共惟某官志節
日烈而霜嚴文章水涌而山出聲名蚤著不數黃香之無
雙科目小低猶壓杜牧之第五元化孕此五百年之間氣
同輩立於九萬里之下風每以直道而事人未嘗曲學以
阿世朱游折檻諸公慙請劍之言陽子哭廷千載壯裂麻

之舉一葉身輕何去之勇六丁力盡而挽不回有謫仙人
駿馬名姬豪放之風無杜陵老殘杯矧悲辛之態仲卿妻
安牛衣之儉超宗子真鳳毛之奇下而一障上而公卿會
應入手徵以諫官許以宰相尚且掉頭擁通德而著書命
便了而沽酒麗人歌陶秀實郵亭之曲好事繪韓熙載夜
宴之酋賀客盈門勸展驥而爲別駕長官分席嘆無蟹而
有監州想像醉翁澹庵之勁節高風收拾平園誠齋之殘
篇斷稟覺此行之不惡然小住而亦佳方令圖回一新號
召四出加璧而延故老將行申公之言前席而訪逐臣必
奉賈生之對豈容州佐屢屈天仙况頭廳迺吾鄉兩相之
迭爲而鼻祖云異日二郎之必做閉門而投車轄莫惜
歡籠街而築沙堤佇看大拜風雲之會暮月猶遲我崇禧
吏部少同受業於河汾晚共尋盟於洛社醉暴公子之繡
斧未敢披襟聽白司馬之琵琶何須掩袂素蒙鮑叔之知

已詎忍卜商之離羣肯顧茅堂不嫌草具南轅北轍車輪
慣見於別離東主西賓翰墨未妨於遊戲俯陳下俚仰獻
初筵

去國還山忽十春

看人看盡幾枰棋

碧雞金馬非吾事

白鷺青原欠子詩

魯國兩生肯行否

海濱二老莫來遲

暮雲春樹嗟脩阻

得句從今舉向誰

邵武宴翟通判

方秋崖

天子使來監汝共管溪山史君於此不凡且談風月醉我
一壺玉熙然千里春共惟府判大音函胡老氣碑兀菴盃
溪無邊煙雨伏有佳遊退思崑不盡經綸聊復小試未必
一官落拓只今半刺翱翔長史雖老宰相材何當驥展文
夫安能州別駕遠已雄飛而我知郡及尔同寮幸茲合席
西風擺撥不妨無蟹有監州北斗闌干何惜吹龍將進酒

待歌興誦誇與樵人

肯駕緹屏入古樵

熙春山更綠岩峩

人如第二泉清冷

路亦無多秋沈寥

碧色玻璃供笑語

黃雲擺撥入歌謠

山城斗大能留否

見說弓旌有持招

宴黃狀元

史樵府

金榜新狀元獨賞瓊林花市綉衣舊使者相逢碧水丹山
魁星交映福星今夕不知何夕百年盛事一郡驩聲共惟
某官天馬風標雲龍噐局筆下五千絃錦瑟曾中三萬軸
牙籤出武夷之仙峯盤空雲氣接金華之嫡派蒲壑風聲
明經早左氏公梁射策壓公孫鼎董驪鬚爭摘雞口先鳴
姓名千佛塔頭步武三神山頂飄然遡紫拖青客可是依
紅泛綠入五色雲香已驗倫魁之符讖三台星見好恢公
相之規我知府某官劔外陳入湖邊隱士晚得一衫而出

蜀星馳兩節以落南回首少年三五時也曾效東塗西抹
舉目青雲九萬里豈思北運南搏幸逢蓬蒿神仙細說杏
園舊話玉壺瀲灩翠袖踟躕我輩非偶相逢這會莫辭一
醉楊柳樓心吹夜月試問海棠沉香亭角醉春風催吟芍
藥強裁俚語上侑清歡

月色花光正可人

笙歌會處喜津津

跨鰲海上文章客

攬轡天隅禮樂臣

丹碧屏間三月暮

玻璃杯裏一團春

暫聽紫燕黃鸝語

更捧紅雲侍玉宸

南康宴考試官

秋崖

思皇多士偉制詔之賓賢作者七人實文章之司命甫尔
徹棘幸哉識荆敢敬奉於壺觴切願聞其衡鑒共惟主文
曾羅斗宿手扶天章五經紛綸取青紫而芥拾地八韻畧
刻補造化而声摩空乃持玉界尺以裁量無復古戰場之
遺失監試與聞選事獲並英游煩彈壓於秋風諒屬厭於
春藻日五色而不迷過眼酒一罇而細與論心尚有黃
華可無清句

廬山誰與主文盟

分得光芒北斗星

筆可補天親奏賦

芥如拾地久明經

諸賢等是良眉白

五色難迷老眼青

來歲不妨連舉送

編排詳定又彤庭

邵武宴進士

方秋崖

碧玉環中詩書多士黃金榜下禮樂兩生鄉閣榮錦綉之
還郡國圖衣冠之盛共惟兩新恩禮園書種藝圃文芳摛
藻揆天庭初啓九閔之鑰掛帆拾海月共航八月之槎新
題鴈以來歸覺詔鴉之猶濕春山一脉斷者續之泰階六
符今其再矣自此書林動星斗直從科目上公台而我知
郡幸挹天香偶爲地主招邀先輩未忘三五少年時風厲

後來看取一科新進士，柳色共宮袍。綠重蓮燈與舞袖，紅
酣雪兒詞妙，絳都春雲母屏留。仙客醉，敢陳蕪句，聊侑綺
談。

禮樂當年魯兩生

一經科目共春城

數回地脉中興相

文動天家正奏名

詔墨泥香題處濕

恩袍草色坐中明

莫嫌老守衰遲甚

曾向慈恩頂上行

建府戊午鹿鳴宴

葉西澗

伏以侯邦貢士，共登天府之賢書。二席燕賓，喜遇春官之
座主。秩初筵之俎豆，侈盛事於衣冠。共惟諸省元先輩，經
富總龜賦工枝，獵淵源問學，腹載考亭之書。藻火文章，神
授山房之筆。踏槐花而程藝，穿揚葉以奏功。螯孤先登，一
人當百。鷄書中雋，八十加三。合計闡學館之英羣，胄子宗
枝之秀衆。科盛矣，一舉褒然。宮使知院大資大參相公天

下達尊國中元老，進爲伊呂功社稷，澤生民退友松喬，身
江湖心魏闕，四海覘其出處。九重想其端，歸平地神仙，聊作
紫微之引領，翹材人物。終期黃閣之轉鈞，觀使判府侍郎
有迂固才，傳朱李學平岩，領嘯不妨飲山綠，以哦詩禁闥
予環行見佩水蒼而入侍，判府工部郎中受齋賢子，省戶
望郎諫笏猶存，上記名臣之風烈，深衣獨樂士知前輩之
典刑，觀使提舉告院郎中才美碩膚，襟懷光霽，虎符龍節
所至有良吏之聲，宮錦漁叢非晚，歸侍臣之列，判府武博
郎中九秋直幹，千頃澄波，舟薄蓬萊平上，玉溪之月，騎喧
竹馬，催頌壺嶠之春，常簿郎中松節高寒，棣華競爽，訪麻
源之三谷，聊復拂衣橫野，渡之孤舟，正須作楫秘閣郎中
北平梧竹，東序鍾鏞，公休侍溫國之旁，從容洛社，晦叔社
呂家之美，大小申公都運，監丞郎中慶曆丞相之家，皇華
使臣之節，木牛給餉已高，諸葛之勛名，金馬直廬，行踵二

蘇之步武提舉資講郎中諸儒北斗一道福星義實仁聲
兼有春生秋肅之氣直言正色宜在朝論夕思之班判府
集撰侍郎筆橐從臣詞章岳牧冰壺秋月鎔為西澗之清
魁極台符下照東甌之分為諸賢之勸駕食上佐以禮賓
繡衣紫綬之相輝藍袖銀袍之交映指沙圓之佳議送天
上之飛翰鼓瑟吹笙此日升歌於莘野傳衣付鉢明年同
宴於瓊林輒獻伶歌以鋪吉語

黃堂燕衍盛衣冠

入道魁星照建安

多士權衡推月旦

一番桃李屬春官

升歌鳴鹿陪樽俎

好與溟鵬插羽翰

發策致身須正學

功名久遠要人看

新編翰苑新書卷之八

別集

王化奎

書